


110-42



警黃鐘

自序

警黃鐘者何。警黃種之鐘也。黃種何警乎爾。以白種強而黃種弱也。黃種何以弱。以吾四百兆人日醉生夢死於名疆利鎖之中而不自知如燕雀之處堂醯鷄之舞甕不自知其弱遂終不能強吁可憐已憐之故思設法以警之。警之奈何。記有之。鐘聲鏗。鏗以立橫。橫以立武。君子聽鐘聲則思武臣。孟子有言。金聲也者。聲之爲言宣也。古人覺世必取物之善鳴者假之使鳴。如遼人之木鐸。即此意也。風騷而後最善鳴者莫如詩。宋元以來則以詞曲鳴。皆文人之善鳴者也。詞曲者詩之餘。其佳者能激發人心動人以忠愛之念。詞曲雖小道。或可爲警世之用。非鐘而亦鐘。故作者效之。而假此以鳴者也。其體則院本傳奇其事則子虛烏有其義則風人托興之旨言者無罪聞者足戒。某嘗竊取之矣。他日者梨園子弟絃管登場使觀者恍然於黃種之受制。

白種始如黃蜂之受困胡蜂而急思有以挽回之振作之則忠君愛國之念油然而生彼蜂羣尙如此而況人羣女子尙如此而況男子傳曰蜂蠶有毒而況國乎此言雖小可以喻大一杵蒲牢發人深省故名之曰警鐘警鐘之編爲黃種而作也故名之曰警黃鐘



例言

一動物之中。團體之堅。惟蜂爲最。故以蜂爲喻。黃對者。黃蜂也。胡封者。胡蜂也。元封者。黑蜂也。假借諧聲。是傳奇中應有之義。並非牽強附合。

一蜂群中以雌爲主。凡採花釀蜜。皆以雌蜂。雄蜂不能採花釀蜜。惟知食蜜。名曰相蜂。相蜂過冬不死。則羣蜂飢。茲編稱女主臨朝。即本此意。並非沿歐洲大國有女主之說。

一編中云烏大臣者。猶言烏有先生也。黑提督者。猶言子墨客卿也。並無所指。閱者不必滋疑。

一編中演士農工商人等十七字令詩。均爲挿科打諢。亦無所指。閱者幸勿見罪。

一梨園中本有正旦名目。而傳奇則無之。曰旦者。即正旦也。茲編派旦脚過

二

多。因另加正字以別之。曰旦者。即俗稱當家旦是也。又有武旦名目。傳奇亦無有。以無所分別。特加武字。以別于他旦。蓋舍傳奇而從梨園名目。以便于派脚色也。

一是編情節甚多。故講白長而曲轉略。以鬥筭轉接處。曲不能達。不得不藉白以傳之。並非討便宜也。

一末二齣計捷團圓云者。蓋言自強以禦侮。團體以立國。皆將來虛擬之辭。作者之希望也。曲終奏雅。庶愜觀者之意。



警黃鐘傳奇齣目

第一齣 宮歎

第二齣 逼鄰

第三齣 議和

第四齣 醉夢

第五齣 廷諍

第六齣 敗盟

第七齣 圍俠

第八齣 誓師

第九齣 計捷

第十齣 團圓

附錄

冥間一齣

歎老一齣



警言黃鐘傳奇

祈黃樓主人著

提綱

俏儲君卓識調戎心
副元帥妙計擒渠魁

奸大臣甘言惑主聽
新國民熱腸立團體

卷首

(宣) 滿江紅 叢爾黃封固猶是軒轅遺族奈兩人胡元之窺伺強凌弱肉巾
幘獨殷恢復志鬚眉忍受要盟辱惜么麼世界化蟲沙戰蠻觸 蕉鹿夢伊
誰續南柯記重翻曲彼文人涉筆感懷而作牖戶無忘桑土徹桃蟲宜念莽
蜂毒慨黃民醉夢未曾醒從今覺

第一齣 宮歎

警黃鐘傳奇 第一齣宮歎



(正宮) **喜遷鶯** (自宮裝雜二侍女隨上) 銀蟾斜掛倚薰籠。獨坐蓮漏。冬
 引子 知心誰共。帝王家薄命。顏紅可憐。你附羶逐臭也。自比附鳳攀龍。料想他箇
 中人。一世猶然作夢。

時局艱危不可支。深宮鎮日自顰眉。滿腔熱血滿懷淚。不在英雄。在女兒。
 (坐介) 奴家高密氏。大黃封國長公主。瓊英是也。世守藩封。生為黃種。我
 國歷來傳位。多是女主。本宮雖在女流。實為太子。選尙駙馬。封作宮妃。那
 採花釀蜜。一樁公事。多係女兒家承辦。一班男人。只知坐食資糧。無所事
 事。近年以來。中原多故。外侮頻仍。內政不修。主權盡失。花叢蟲賊。恨炎火
 之未投。草澤奸雄。遂萑苻之並起。強鄰窺伺。競懷蚕食之心。羣小工譏。益
 肆蠅營之狀。自恨生長深宮。未親國政。時事如此。叫奴家怎樣設法呢。

(過) **玉芙蓉** 那強鄰西并東白地。將人弄一雲時。侵凌逼脅。問何人保護。黃

封。可。知。道。外。交。失。策。兵。開。釁。可。知。道。內。政。誰。修。莽。伏。戎。真。懞。懂。只。博。得。花。糧。
供。奉。作。一。個。么。麼。世。界。可。怜。蟲。

那兩班文武官兒只曉得。

前腔躡終南巧宦踪捷徑新承籠一半是烟寮酒國一半是雨窟雲叢有誰
還問軍國事情民生疾苦呢。只道你眼前紗帽榮無比可怜他夢裏槐柯睡正濃。
憑斷送不問是同胞族種眼見得中原大陸走蛇龍。

那我國國民只曉得。

朱奴插芙蓉朱奴兒看他名利藪儘心甘意濃一個個蛾撲燈紅恨生平鑽刺
黃緣術未工說不盡心頭萬種但終年倥偬似相遭夢中尙或大劫來時那生
靈何堪一軍化鶴化沙蟲。

我國境東部東山一帶多是萊花春時一望有如萬點黃金濃香馥郁齋

人欲醉。這正是我國中人民採糧之地。又爲黃種種族生命之源。又有阻
 山地面。多是梨花。每歲清明。雪香成海。我國民以花爲課。以蜜爲糧。醱時
 不得梨花。不能成蜜。是以上年派兵把守。慮有疏虞。不料昨日探馬報稱。
 有胡封元封二大國。不日要帶領螻蛄蒲盧等種族。實逼處此。與吾國民
 競爭此土。吾國民四面受敵。應接不暇。名曰借租實謀。佔據名曰互市實
 攬利權。此事若實。恐東山西山等處。不能保守。即不戰死。豈不餓死。這事
 如何是好呢。

傾盃賞芙蓉

(傾盃序)

他扼住東山不放。鬆和戰都無用。好似釜底遊魚。日暮
 途窮。名是甘言。重幣實則地網。天籠(玉芙蓉)。有一日商於六里。儀行詐管。教
 他函谷重關。泥不封。溯淵源是軒轅。貴種枉令我希心。皇古企黃農。

看將來白種漸強。黃民受厄。百萬生靈。籲天無術。嗟念及此。好不酸心也。

呵。(掩淚介)咳。奴家心曲。有誰知得。有誰解得。眞眞苦煞人也。

尾聲。這深宮心事。誰能懂。桂露酒花房。頻朝貢。倘或瑣尾流離。東西轉徙。豈不是身世飄飄。類斷蓬。(太息下)

第二齣 隣逼

(淨白黑臉戎裝白盔甲引隊子四人執白旂上)百萬軍聲動地譁。朝來供課。午排衙。東山更占西山界。鞏盡梨花與菜花。(坐介)俺乃大胡封國領兵元帥辛螫是也。現奉胡廷之命。令俺帶一隊人馬。去到黃封國境內。東山及西山一帶。奪取梨花菜花。以爲本國資糧。俺查萬國公法。他國境內土地物產。不能佔奪利權。奈彼國內政不修。外交失策。國內無禦敵之兵。境上無守邊之將。今俺不取。終爲他人所有。是以奉命之后。即行佔取其地。軍士們。各各奮勇。殺上前去。(衆)得令呵。(行介)這是怎麼地界。

(衆)啓元帥。東山已在前面。此是交界地方。(淨)中軍傳令札營。(衆)得令呵。(淨)

(商調) 遶地遊。風揚。蠹影。擄得。山莊。罄小黃。封無人。問鼎。拚把。雄威。再整。且教
他東西奔命。有何人來鑿勁兵。(下)

(場上設草葉四五莖作菜花狀介)(淨領隊子上奪取菜花介)(繞場下)(副淨黑臉花面領黑旂隊子四人上)(中立介)俺乃大元封國統兵將軍孟壽氏是也。現奉元廷之命。向黃封國境內東山西山一帶。奪取菜花梨花。以爲國民糧草。正在啓行間。猛聞胡封國先鋒。已經佔取東山。那菜花一物。已爲他收割淨盡。俺此行竟落人後。真真氣煞。幸西山梨花。未經佔取。俺只有從間道徑襲西山。以爲先聲奪人之計。軍士們各各衝枚疾走。偃旂息鼓。潛至西山札營。如有漏洩軍情。令敵知覺者。一律軍法

從事。(衆)得令呵。(繞場下)(場上設樹枝上綴零星白紙作梨花狀介)

(副淨領隊如前介)(望介)呀。果然山前一帶。盡是梨花。好似

(過) **曲** **貓兒** **鑿** 雪。成海。滿目。盡瑤瓊。吾將此花收取。管教他夜月香雲。夢不成。如

斯勝境。未曾經心。驚只聞得甲馬聲。僥倖兒。平地奇功。竟成。

軍士們速去。一面收取梨花。一面札營。(衆)得令呵。(奪取梨花繞場下)

(淨領隊如前上介)呀。俺前日望西山地。面一白如銀。今日如何不見了。

真真奇怪。莫非本國人民。聞風收取。抑有他國潛行襲奪。亦未可知。且待

我登高一望。便知底細。(登高望介)呀。不好了。前面有帳棚甚多。定是兵士

把守。看他旗幟。黑幢幢兒。如烏鴉成陳。這旂一定是元封國的徽章了。那

元封國兵。不比黃封國兵。樸勇善戰。奮不顧身。軍士們各各整備攻具。上

前與他廝殺。以分勝負便了。(衆)得令呵。(繞場下)(副淨領隊上)(望

介)呀。前面塵頭起處。白飄飄兒一隊人馬。定是胡封國兵了。那胡封國爲白種中最大之國。不比吾們黑種。蠢頑不靈。快些收拾兵仗。拔營先走。是爲上策。(衆)得令呵。(繞場下)(淨領隊子上)呀。前面黑旂人馬。忽然拔營他去。卻是爲何。軍士們各各上前追逐。奪他梨花便了。(衆)得令呵。

(繞場下)(副淨上繞場走介)(淨上接仗介)(戰介)(副淨敗走急下介)(衆擲梨花淨卒奪取介)(淨)果然元封國人馬。奪佔西山。他雖善戰。只好欺凌黃封。那里能抵當我白人。今日遁去。是其見幾。軍士們各收取他軍梨花。帶回本營。解還吾國。重重有賞。(衆)得令呵。(淨)(中軍聽令)。束戎裝上。(中軍末將見)(淨)少禮。

中軍可領一枝人馬。札營西山。每日留心偵探。不可有悞。俺一面遣公使去。到黃廷。要求設立租界。通商互市。兩國和約簽字。方許他退兵。倘或不

依。那東山西山地界。即爲我國市場。一切利權。均由我主。看他如何答應。一面遣蝶使。通報吾國君主。指授方略便了。(末)得令。(領隊四人得意

搖擺介)

黃鶯兒只見飛馬報胡廷說將軍妙計成喜花糧奪取都乾淨那封國悶沈沈哭聲冷飄飄旃旆再無人敢向西山境漫藏形厲兵秣馬詰日再相迎
尾聲拔營去到北庭還待奏吾朝君主把章程定好賺得互市通商訂後盟

(全下)

第三齣 議和

仙呂 **黃梅雨** (正旦宮裝領小旦貼二人雜扮宮監上一人執拂上)北部
引子 諸夷闌入中華地恨霸上將軍兒戲奈廷臣接封章時時壅蔽轉令我遇強鄰忘準備

一部宗旨
蜜者密也
性主固密
護內故以
高密爲氏
見王氏隨
息谷飲食
譜
粉飾太平
安得不墮
過朝報

中原近日困諸夷。妾在深宮那得知。數萬萬人都醉夢。女兒畢竟勝男兒。
(坐介)俺乃大黃封國女主高密氏是也。自從即位以來。時和年豐。人民安樂。方謂萬方有道。長保平安。不料近年以來。我國北方有胡封國君臣。厲兵秣馬。日思侵佔我國邊境。叩關挑釁。已非一次。可恨我國大臣。壅遏軍情。不令邊吏入奏。一切封章。打發回去。片紙不收。是以近年一概邊情。都未知道。幸虧東宮太子瓊英。留心時事。探知軍情。入宮面奏。方才得知。今日應有軍報前來。且在此靜候片時。左右們。太子來時。即便通報。(宮監)領鈞旨。(旦)宮裝執笏上。宮門有人麼。爲我通報。(宮監)出應介。宮外何人。(旦)東宮太子。有緊要軍情。欲入宮面奏。速速通報。(監)領旨。在此伺候。(監)入報介。啓奏萬歲。東宮見駕。(正旦)宣他進來。(監)出領小旦入。(見介)(旦)臣太子瓊英見駕。願我母王萬歲。(正旦)少禮。旁

可恨可歎

坐罷(旦)謝坐(正旦)近日軍情若何(旦)聽奏。

(過)勝如花嗟時易又勢微平白地風波疊起可憐我熱血填膺都變作盈懷墮淚寸心兒朦朧如醉苦衷傷人前怎題下江湖朝綱日非文武官兒他只管榮華得意那箇是當官盡職聞寇來向城頭自豎降旗

深識敵情

(正旦)原來如此(旦)聞胡廷現有公使來至我國議和(正旦)彼方佔取東山一帶焉肯便和(旦)此是彼國奸計且聽臣奏來他是

前腔 一盤算一着棋熱心兒扼定這東山境裏想穴中螻蟻難逃比釜底遊魚休避我國民遭流離棲身無地正合着守函關諸侯盡疑反設計比魏絳和我妙機近日戎夷便自有奸謀詭計偏假說生靈愛惜吸髓膏逞妖嬈有似狐狸

假

(正旦)原來如此可恨可怕(丑胡裝雜一人執鞭持帖上)(報介)大胡

近日洋人之滅人國不為虎狼而為狐狸前人已言之矣來得有勢

公法如此

封國公使刺朶顏。願見大黃封國君主。請煩通報。(宮監出應介)(入報介)(正旦驚介)公使突來。如何答話。(旦)母王先行回宮。待臣出來。在宮門與他相見答話。(正旦)有理。(全貼小旦下)(旦願監介)宣他進來。(監)領旨。(出引丑入見介)(分坐介)(旦)側聞貴國公使遠臨。有失迎迓。恕罪恕罪。(丑)俺此來一為通商。二為議和。請殿下轉奏。即便回音為幸。(旦)近日接北方守邊將吏報稱。貴國將軍。無故領兵。佔取東山一帶。所有菜花。概行掠取。這是公法那一條。有如此辦理。(丑笑介)公法不公。咱不管他。咱奉敝國君主之命。到貴國議和。敝國君臣。說貴國內政不修。外交失策。所有舉動。均類野蠻。未臻文明程度。是以花球各國。均以貴國不得在公法之列。安能照公法行事。所謂野蠻之國。以野蠻之法待之。前日佔取東山。此正是待野蠻義務。幸勿見怪。(旦)敝國內政不修。不干

可恨可歎

貴國之事。外交失策。是指那一件。貴國以野蠻待敝國。如公法何。(丑笑介)公法者天下之強法。國勢強則可行之于公法之外。國勢弱則不得列于公法之內。貴國不自責而反責人。真真怪事。(旦氣介)呀。原來吾國不在公法之列。政府諸臣。迄未奏明。致有今日。真真可恨。真真可惱。(丑)貴國大臣。多是

(正宮)引子(綱山月)臨事。候戎機。收覆水。悔徧遲。他瞞天。席地不令主。知說鄰封。安然無事。那里問環球公法。誰是誰非。

今日之事。只有和議。便可退兵。(旦)和議怎樣。(丑)東山一帶。開為商埠。只許敝國通商。不許各國分利。西山一帶。前日已為元封國兵佔取。咱國將軍領兵。逐他出境。刻議交還。應賠兵費。該地亦只准敝國通商。他國不得干預。如照此和約。即日退兵。(旦)待吾入宮。奏知敝國朝廷便了。(領

此是要盟
宜不可久

時事如此
可恨可痛

有翼暗合
黃蜂

宮監下)(宮監仍上)(丑見介)和約如何(宮監)敝國不幸不能自強受人欺凌東山一帶乃我國根本重地豈可為人佔取西山資糧所在亦不可棄敝國朝廷與大臣商議已一一照約施行敝國君主均已簽字和約在此請公使看過明白(丑喜接看介)好好咱回奏之后即日退兵(宮監)不可負約失信請公使亦一同簽字(丑簽字介)就此告辭(宮監)恕不遠送(下)(旦上)今日之事正是既不能令又不受命真真沒奈何也(掩淚介)

尾聲時艱蒿目真難避問要盟自古多好計可憐我有翼無心不奮飛(太息下)

此折叙黃封國大臣負朝廷壅遏軍報及外國不以公法相待致不能據理以爭皆由東宮及公使口中述出雖欲返悔亦已無及。

馭夷妙策

蜂善鑽刺
蜂喜花柳

凡兩國勢均。始有和議。如此要盟脅逼。總在勢力範圍圈內。豈能歷久不渝。結尾僅以宮監持和約與公使。勉強依議了事。焉得謂之和乎。故能戰始能和。不能戰又焉能和耶。受脅而和。其爲和也可知矣。

第四齣 醉夢

（副末粉臉短鬚冠帶上雜僮隨上）戰不能兮守不成。何須高壘與堅城。馭夷自古無長策。但許通商便退兵。（坐介）俺乃大黃封國蜜部大臣。烏里瓜氏是也。慣事通番。甘心媚敵。以鑽刺之力。擢爲蜜部大臣。終日尋花問柳。飲酒徵歌。那一樁軍國重情。置之不理。前日吾國北庭東山西山一帶。爲胡封元封二國。掠取花糧。運回本國。那二國又復大戰一次。元封國兵敗陣而去。幸吾國袖手旁觀。不至結怨于彼。昨日胡封國特遣使臣來。吾國議和。俺只一味勸吾主和議。不可動兵。吾主依議簽字。已經打發他

酒 色

使臣回去。現在仍然太平無事。可以長保富貴。俺們何妨日事花酒。以樂餘年。(顧僮介)爲我去請九門提督。來此飲宴。(僮應下)(丑庵甲戎裝策馬上雜一人隨上)(中立介)(丑)咱乃黃封國一位統兵提督。黑心干是也。(報介)(僮上應介)(領人相見介)(分坐介)(丑)請問蜜部大人見召。有何賜教。(副末笑介)咱爲此時和議已成。蜜務部大小臣工。可以無事。現備有美酒一壘。珍羞一席。與軍門遣興則箇。(丑)多謝。現在和議已竣。不致動兵。咱們亦可偷閒。在此陪席便了。(副淨舉杯勸酒介)(丑)同飲介。(丑)請問大人。前日貴相知鄭月娥校書處。已經去過否。(副末)連日爲胡封國和議之事。未去探望。昨日私約告成。今早已去望他。請問軍門貴相知楊玉香校書。不悉有去望望否。(丑)敝相知現已脫籍。另覓房子居住。作一位小老婆。只是作嬌撒賴。不堪其苦。未識可有良策見教。

否。(副末)諺云。閒花只合閒中看。一折歸來便不鮮。老兄殆未解此意麼。
(丑)是。請問大人。現在蜜官屬吏。每月交納花糧規費。收到多少。(副末)
每月花糧公費。只有萬餘金。賣缺之費。也有萬餘金。請問貴營規費。每月
若干。(丑)不消說起。每月除攤扣兵餉外。屬員規費。只有五千餘金。再多
是不能的。(副末)難道好缺出賣。亦不值錢呢。(丑)好缺只有副將等缺。
可以署理。若總兵則歸部放。署理亦須督撫會奏。是以不能出賣。都守以
下。出息有限。有誰肯出多金。來轅買缺。(副末)前日有一班書生。妄造軍
報。刊布謠言。此輩人真真可惡。吾已奏聞朝廷。加以叛逆。四出查拏。如捕
獲之時。一概處以重刑。方好消吾心頭之氣。(丑)前日聞刑部已拏獲此
種人。殺了數名。大人不消生氣。(副末)今日酒飲多杯。且進內打睡去。
(丑)即此告辭。(起身下)(副末雜隨下)(雜扮各色人持花燈金鼓細

樂上）（繞場一回隨意唱小調小調套下）（生淨丑末扮士農工商上）
（分坐介）（衆）聞今日此處大鬧花燈。吾等一全觀看。（雜持燈金鼓如
前繞場上隨唱曲一二套即下）（衆）吾們士農工商。名爲四民。各有事
業。即各有心事。大家說來聽聽。議用十七字令爲限。說不來。罰酒一大杯。
（衆）有理。士爲四民之首。應先說起。（生）是聞說廢科舉。書獸沒法處。無
人請教。讀餓肚。（衆）說得好。（淨）吾是農夫。應是第二。吾也說得土俗。不
堪入耳。大家休見笑。（衆）豈敢。（淨）聞說禁烏烟。種子休下田。種烟打屁
股。一千（丑）聞開工。藝學經費無着落。機器辦不成。歇作。（末）聞說撤釐
卡。委員利權攬名目。變出來中飽。（衆）大家都說得好。只是局外人聽見
不便。如何是好。（末武裝上）呀。你們四民。在此看燈。單單贖下我們當兵
吃糧的不在內。難道吾不是黃封國中百姓呢。（衆）如今四民之中。沒有

四民沒有
你足見兵
農既分現
象如此諧
語卻與政
治相關

吃着嫖賭

近日國民
大都如此
彼亦自謂
各盡義務

你了。能說十七字令，則許你入會。(末)酒令若何。(衆)三句十七字便是。
(末)吾試說來。當兵不用力米票，官自吃何處是較場。不識。(衆)好。許你
入會。(生)吾今將各人之令書之于壁，以便他人和韻便了。(衆)東山之
事。近日若何。(生末)管他則甚。管他則甚。(全下) (雜扮四人上坐介
(衆着介)這壁上有十七字令詩五首。(莫非耍人和韻呢。(衆)吾人各言
本行。照此令說出。如詩不成。罰酒一大杯。(衆)有理。(一雜)我好。吃大土
名。叫烏烟鬼。一夜一兩頭落肚。(一雜)我們好。衣着皮棉紗單。拾一年。四
季衣。踏踏。(三雜)我是人清白。每作好嫖客。一夜雪花銀一百。(四雜)要
賭。不要命家私。沒得賸大輸。又特輸乾淨。(雜)昨聞和議已成。敵兵引退。
可以太平無事。吃着嫖賭。吾輩各行其是便了。(雜)各行其是。便是義務
國民之責。如此而已。那敵情國事。管他什麼。問他什麼。(四雜得意搖擺

下)

此折寫國民醉夢。鼓舞太平。大吏如此。下僚可知。士人如此。農工商可知。當兵如此。營制可知。見端甚微。爲禍甚鉅。可爲寒心。

此折以副淨丑末等上場。長于打諢揶揄。每不便于填曲。故以九首十七字令詩代之。前人成作。亦有一齣之中無曲。非自我作古也。閱者諒之。

凡丑脚所唱之曲。大都爲字二双等牌子。句法與十七字相類。以無甚款曲之故。若填別調。寫來與原曲神氣口吻。不甚相合。成作每遇丑副淨之曲。獨短獨少。正爲此耳。

第五齣 廷諍

(小旦華服上老旦付婢隨上)

宋時有祈
請使

可見開報
之益

(越調
引子)

霜天曉角。辭官罷職。未敢談時事。只爲關懷君國。陳言擬着朝衣。

敵營祈請煩公使。軍國戎機問女流。千古漢家青史。在和親兩字。後人羞。
(坐介) 奴家謝氏。表字瑤芳。本國稻花村人氏。吾國歷來女主臨朝。所有
官職。多是閨流。奴家上年首任上苑探花之職。因邊廷多故。朝政不修。遂
與蘇氏姐姐。一仝上表乞骸。罷官歸里。那國家政事。久不問聞。昨閱邸報。
知胡封國使臣。來此議和。不料蜜部大臣。一味順從。他要那一件。就依他。
那一件。他要這一件。就依他這一件。現在胡封國之外。尙有元封國一種。
亦是強族。又有蒲蘆蠟螭等國。均爲同類而異種。他若曉得我國如此懦弱。
將來要挾而求。如何答應。不允則立啓兵端。允之則力不能給。咳。時局
如此。是吾黃種數百兆生靈。數該遭劫呢。本日且約同蘇姐姐來此商議。
或伏闕上書。或還鄉團練。這正是我們報國之熱心。國民之義務。未識他

伏下播密
至營

黃蜂尚畏
瓜分而况
于人

應上

意如何。(顧僮介)來時通報。(老)曉得。(貼華服中淨侍婢全上)(中淨報介)蘇氏姐姐。進來拜會。(貼奴家蘇氏。表字蘊香。本國人士。上年曾拜蜜官金翼使之職。管領一國釀蜜之事。後因議政與當軸不合。遂同謝姐姐上表辭職。解組歸田。一切朝政。久不相聞。今日謝姐姐持帖相招。未知何事。(中淨全老旦出領貼入見介)(分坐介)(貼請問大姐見招。有何事見教。(小旦)現在胡封國使臣。前來議和。那約章件件諸事。蜜部大臣。一概依允。並不駁詰。但胡封一國。猶可。現花球諸強。大種族。不下十餘。倘或效尤。各思染指。領兵據地。要挾百求。索賠兵費。恐瓜分之禍。即在目前。姐姐平日愛國爲心。豈不慮及此呢。(貼)小妹亦曾慮及。但與姐姐全是退休之員。手無斧柯。言難動聽。如何是好。昨聞議和之后。密部大臣。及九門提督。自以爲百世奇功。日日縱酒徵歌。自謂太平可久。朝廷如聽他先入之

此計甚是

應上

言。我們焉能開口。（小旦）聽與不聽權在他，爭與不爭權在我，如此國運
阽危。不復出而挽救，從前食君之祿，便是負恩。妹已撰有本章，今日一同
面聖。姐姐意下如何。（貼）聞東宮太子極留心國事，前已陳奏敵情，奈爲
和議諸臣所阻，不能任其調度，致有今日。你我二人，不如先至東宮，浼太
子作爲先容，全去伏闕，豈不甚好。（小旦）言之有理。（貼）未見批鱗。先
闕。小旦先教投刺謁東宮。（全下）二婢隨下。（旦宮裝上）雜宮監隨上
本宮黃封國太子是也。前日和議雖成，戎心叵測，是厝火積薪之下，累卵
層樓之上，危險之形，不待智者而後知的。奈蜜務大臣，日事花酒，武將兵
弁，不知訓練，士農工商，都個個吃著賭嫖，沒一個關心君國。本宮本擬伏
闕上書，備陳時政，惜孤掌難鳴，無人繼起，多是不濟事的。（氣介）小旦貼
老旦上報介）前探花使謝瑤芳，前蜜官長蘇蘊香見（內監在此侍候，待

咱們報進去。(報介)謝蘇二位。求見東宮。旦喜介(快宣他進來)(小旦貼老旦同入見介)(分兩旁坐介)(旦)二位光臨。有何見教。(小旦貼)擬伏闕上書。諫諍時事。請殿下爲之先導。帶領面聖。未識殿下意見如何。(旦)本宮亦有此意。但恨將伯無人。恐難動聽。今姐姐等同具熱腸。眞眞難得。就此前去闕下上書便了。(小旦貼)難得殿下同心。請先行領路。(旦)隨我來。(小旦貼)來了。(全下)(正旦)宮裝上(監隨上)(正旦)前日胡封國和議已成。邊廷可以無事了。但蜜部烏大臣奏對之時。言語支吾。恐有不實。今日御殿。理宜宣他進來。在此面奏。內侍們爲我宣他上殿。(監)領旨(下)(監領)副末扮前蜜部大臣提督全上(入報介)(叩見介)蜜部臣烏里瓜提臣黑心千叩頭。願吾主萬歲。(正旦)少禮。旁坐罷。(坐介)(正旦)前日和議。可以靠得住否。(副末丑)一來國家洪福。二來主上威名。許他互市

受他先入
之言是以
不能從諫

一味奉承
賁獻媚
佞臣技倆

通商。他便歡天喜地。更復何求。再事反覆。(正旦)自古道戎狄豺狼。貪得無厭。卿等有何把握。料他永不負約呢。(副末丑)自來懷柔之道。務在得其歡心。現已一一供他。決無負約之理。(正旦)如將來負約。此咎誰任。副末丑)如將來負約。臣等願受欺君之罪。萬死不辭。(內監上報介)東宮太子。帶領前探花使。蜜官長全來見聖。(正旦)二卿暫退殿左朝房侍候。(副淨丑退左場角坐介)旦小旦貼全執笏持奏本上伏闕介)監(階下俯伏者何人。(旦)臣東宮太子見駕。(小旦)臣前探花使謝瑤芳臣前蜜官長蘇蘊香。有封事面奏。願吾主龍目觀看。(正旦)內侍們將本章收來呈覽。

(取本介)正旦讀介)

(近)調人破臣前探花臣前金翼使。伏闕上封事。奏爲強鄰交逼。大臣仍復蒙蔽。面違奸欺。臣謹誠惶誠恐。稽首頓首。伏念人臣精忠。報國荷恩。施不愧邦之司直。

奏疏體裁
傳奇曲譜
合而爲一

焉得不驚

料敵之明
一時無兩

豈料蜜部大臣及提督等一味招權利任溺職甘貪鄙令屬吏羣效污穢守
牧監司大壞朝任綱紀民心離散草澤奸雄聞風盡起

(副末丑驚背介)他是退休之臣如何奏出時事來連我咱們拖累在內
呢。(正旦)卿二人早已致仕不聞朝政如何曉得廷臣那箇好不好。(小旦
貼)微臣雖早罷官卻自係懷君國前日元封國佔取西山爲胡封國兵驅
逐而去懷恨在心勢必遷怒于我胡封國既許通商元封國豈甘落後萬
一二國協謀分据西山東山割地而守掠取花糧吾國之民豈不餓死願
陛下三思(又讀介)

破第二互市通商所貴收權利要盟無信外夷誰顧公義叩關納款倒戈
犯闕憑他怒喜邊塞藩籬而今撤矣

(正旦)難道和議不是麼。(小旦)和議並非不是但既和之後文恬武嬉

忠言逆耳

自謂太平可久。蜜部大臣不該日事花酒。提督臣不該邊備不修。事至今日。可爲寒心。(又讀介)

哀第二 他更詡功稱奇捷。禍至當無日狎擾。犬羊訂和約。傷國體。笑畏首更兼畏尾。一味依阿。正合邦昌私智。那外夷競覲。侵陵效瓜分詭計。

(正旦)爲今之計。卿言若何。(貼)事至今日。只有令提臣統兵。分駐東山西山。勿令敵兵入境。(正旦)又讀介

歇拍 嚴兵勒陣。提防無異。所有地方諸官吏。行團練。各登陣。衆志成城。比似金湯。百里詔書來定。有海內英雄勤王義師。

(小旦)蜜部臣速宜遣使通聘各國。告以前日議和條約。倘彼背盟。或有他國公使。仗義執言。令其遵守前議。亦未可知。(又讀介)

中哀第五 他逞狡詭。思翻異仗義。煩公使衆論輿評。是耶非。或可望遵公

法守條規。戢爾戎心。息兵端。免奔馳。補救彌縫。於今未遲。(煞尾)千古和戎。到底滋流弊。如二臣者。乘臣節辱朝儀。屈人才。昧先幾。伏願速下諭旨。風行雷厲。勿遲疑。如此奸回。亟宜奪戢。

出破 若能諒臣竭忠感格。回天意。雖互市通商。亦各行其是。臣無任瞻天戀闕。激切屏營之至。

謹疏。(小旦貼)臣等女流寡識。伏乞聖明。俯就施行。國家幸甚。(正旦)現在烏黑二卿。尙在朝房。卿等所言。彼或聞之。卿且暫退。再召他上殿。詰問明白便了。(旦小旦貼起)謝萬萬歲。(全下)監領副丑二人來見介。(正旦)二臣所言。卿亦聞之否。(副末丑)略聞一二。此皆虛無黨中之人。欲傾政府。請陛下不必信他言語。請東宮不必領他入奏。如此一派妖言。憑空生事。敢在殿廷之上。面謾欺君。該加何罪。(正旦)如今是非未明。不能

辦他的罪。(副淨丑怒介)真真可惡。真真可惱。(正旦)二卿不必生氣。本宮自有權衡。且看和議之後。敵情若何。(副淨丑起介)謝萬歲。(下)正旦全侍女下)

此折寫謝蘇二女士之熱腸愛國。東宮之極力先容。終爲二奸臣所蔽。言不聽。計不從。三人固無如之何也。迨至敗盟之後。始返悔二臣之誤國。亦已晚矣。

女士諫疏。既按曲譜。又合章奏體裁。最難著筆。稍有遺漏。亦限于韻。固于句。拘于格耳。閱者諒之。

二奸不自責而反責人。誣以黨人。陰險之至。君主不悟何也。

第六齣 敗盟

(副淨黑面戎裝領黑旂隊子四人上)殺人如草不聞聲。踐土何妨去會

盟奪了梨花。丢了地無花。無酒過清明。坐介。咱乃大元封國領兵元孟毒氏。自前日奪取西山梨花。正在運回本國。不料胡封國將軍無禮。問道。截取輜重。咱督兵力戰。弱不敵強。遂即敗奔而回。乃胡封將軍得了東山。又復奪取西山花糧。已爲萬分之幸。竟遣公使。前去黃封國議和。要求互市通商。那黃封國畏之如虎。兼之蜜部大臣。素喜通番。務求媚敵。遂一一依允。彼得三件。吾則一件沒有。弄得妙手空空。勢雖歸國。不得已潛踪林莽。伺隙再來。那白種勢盛力強。不能抵當。咱們兵力。若與黃種頑頑。綽乎有餘。今日天色發霧。不免徑襲西山。札住營盤。一面發書一封。遣探馬飛遞胡廷。與他協謀。勿相攻擊。他据東山。吾据西山。各劃疆界。如肯依允。元廷每歲願貢梨花蜜二十石。如此合謀。可謂萬全之策呢。坐介。有書在此。爲我飛遞胡封國蜜部大臣。轉致統兵將軍知照。沿途不得逗遛。

令

照應照應

致干察究。(雜探馬上接書介)得令。(疾馳下)(副淨喜介)妙呀。看看黃廷如何糾議。如何準備。哈哈。

(中呂) **鬪孩兒** 待明日据西山來牧馬看區區黃種定難招架地圖形交錯如大牙小黃封分裂如瓜撲諸侯妙策堪誇這奇兵天上齊下

(繞場領隊子下)淨裝束塗臉如前領隊子四人上(中立介)咱乃大胡封領兵元帥辛蠻氏。前日佔取東山。并奪元封國花糧。又遣公使。前至黃廷議和。要求互市。均已依允。此舉可謂萬全之策。我國佔得許多便宜了。只是元封國懷恨在心。必至遷怒于我。不若與之協商。令彼取西山。吾取東山。各管各界。不相侵奪。才爲久遠之計。但吾國與黃廷才此議和。便是背約。那蜜部大臣。焉能吃罪得起。不若寫書一封。令其奔投吾國。一來免罪。二來可得吾國賞賜。或得一官半職。亦未可知。(顧左右介)爲我召蝶使

可見鳥大
臣通番已
久

來。有書一封。令其飛遞黃廷外部鳥大臣。不得有誤。(雜扮蝶使上)淨寫書封交雜收書作回旋勢疾趨下(雜扮馬上)報介)元廷元帥有書一封。呈與將軍。(雜)外面伺候(收書呈淨介)淨看書喜介)原來英雄所見畧同。吾正議作書與他。他竟先來約吾。吾且作函回復他便了。寫書與雜疾馳下)淨喜介)現在如此發落黃封國事。上合公義。下顧私恩。真是一舉兩得呢。(得意繞場下)正旦官裝上)二宮監隨上(旦官裝上)報介)東宮太子見駕。(正旦)宣他進來。(旦上叩頭介)(正旦)少禮旁坐罷。吾兒到此何事。旦)聽臣奏。來那二國呵。

耍孩兒密約陰謀多整暇。今日西山地鬧不堪。亂賊如麻。那二臣呵)叫他仔細想。當日如何話。合同中花押。何須畫。但索性由他罷。

今二國同謀。密訂和約。各据我要地。前日臣已逆料及此。恨鳥里二臣狡

應上

理直氣壯

又爲料及

伏下出海

辨。不加提防。致有今日之事。(正旦驚介)果然胡封國負約寒盟。領兵佔住東山。那西山私與元封國約定。分頭佔據。當時又國相爭。故元封國爲胡封國驅逐。今二國同謀。彼此協力。猝難設計。叫本宮怎樣呢。(旦)當時密部大臣。聲言如有負約。甘受重罪。此時他那里去。(正旦)宣他進來。(宮監下)領副末密部大臣上(叩見介)正旦)烏卿。前日爾說胡廷和議可靠。今日如何負約。(旦)你說前日廷諍之人。多是虛無黨。要加罪名。現在胡廷負約。元廷協商。究竟誰是誰非。誰忠誰佞。(副末慌介)殿下勿罪老臣。臣願領兵。前去迎敵。并詰他負約之罪。(正旦)如此甚好。快快前去。(副本)報介)謝吾主。(繞場下)旦)此人反相已露。此去不是拒敵。乃是通番。母王不可信以爲實。(正旦)且將他家屬。交地方官收管他。便不敢投降了。(旦)卻亦難說。(再召黑提督來)昭應下(領丑黑提督上)叩見介

說得狡猾

重責提臣
曲饒外部

當兵如此
想見將軍
軍令可恨
之至

避難就易
狡猾之尤

又爲料及

正旦)你說彼不負約。如何又復領兵佔取東山。(丑)他不過再要幾塊地方作租界。別意沒有。(正旦怒介)既已和約。再復要求。是何道理。此事全是你與密部大臣賣國通番。致有今日。本應治你之罪。姑着你戴罪立功。以贖前愆。如戰不勝。軍法從事。(丑慌介)吾國兵弁。全未訓練。如何迎敵。(正旦)(怒介)兵未訓練。何不早言。今兵臨城下。乃說不能迎敵。你平時受國厚恩。一年兵餉。虛糜不少。乃竟信口推諉。試問你不練兵。應誰代練。敢出此言。真真可恨。(丑)臣願去拒敵。但軍械須要堅利。糧餉須要充足。方好制勝。再請朝廷全一員大將。前往東山。臣願辦西山之賊。(旦)現在大敵正在東山。你畏白人強盛。乃欲避難就易。願與黑種對仗。那東山防禦。叫誰去呢。(正旦)面謾欺君。真真可惡。快去東山迎敵。(丑叩謝起介)謝吾主萬歲。(下)旦)看該提臣前去。必至饋事。吾國中急宜防堵。

免致疎虞。(正旦)有理。今日先行回宮。明日再議。(全二監下)且中立介咳。你二人如此欺君。奈聖上不加罪譴。怎叫人臣爲國盡忠竭力呢。

纓纓金通番部保烏紗。宋朝奏檜事已萌芽。面謾欺君。處鹿堪作馬。更何人戮力在王家。倒不如作個碌碌庸臣。打箇糊塗卦。打箇糊塗卦。

繞場太息下。(副末上介)坐介。現在胡廷負約。主上面前。已認過願去拒敵。哈哈。吾只知通番。焉能迎敵。三十六策。走爲上策。快快奔投胡廷去了。免致獲罪。追悔無及。(大笑策馬上)丑領兵上中立介。昨日主上命我領兵前去迎敵。吾黃種之人。焉能敵得白種。分明送死。不如詐敗而回。卸過于軍糧缺乏。便了。淨領兵上。戰介。丑敗下。淨追下。丑仍上敗下。淨追下擒丑介。兵卒擒兵卒介。下。且上。雜探馬報介。報東宮殿下。現在密部大臣。並未迎敵。徑投胡廷去了。黑提督兵敗。片甲不回。一個個

平時並不
練兵臨時

焉得不敗
應上

官場大抵
如斯可歎
也

憂國孤臣
同聲下淚

都爲他活擒去了。且果然確實。雜探馬報信。敢有虛言。叩首下。且呀。果然如此。叫我朝廷怎樣處置呢。可恨諸大臣無一個留心國事。只知議和。以至於此。滿朝文武大臣。竟緘口不言。溺職辜恩。真螻蟻之不如也。

前腔 食君祿。擁高牙。寒蟬兼仗馬。寂無譁。廉俸年年費。膏脂剝刮無辜百姓。受波查。到有事之秋。全不出力。勉強強。說句囫圇話。說句囫圇話。

且待明日入宮。奏明此事。再作計議便了。

尾聲 待明朝。俯伏丹墀下。看同心義憤有誰家。真叫我熱血來潮。淚似麻。

「掩淚下」

此折寫二國敗盟。二奸欺君。東宮料敵。皆極力描寫。淋漓盡致。二奸立身不敗之地。不背約則將以黨禍嫁人。背約則聲言迎敵。降番而

此是蔡蓮渠茂材爲人題中宵撫劍圖詩畧易數字頗覺雅切不敢掠美爲叙其絲可見留心國事

去兵潰被擒。仍謀彼國將帥之職。所謂吾輩富貴自在。正此之謂有臣如此。雖欲不亡。其可得哉。東宮料敵。實能見微知著。齣末加以憮歎取場。真令愛國孤臣。同聲泣下。是爲下文過渡處。其言一時文武官吏。窮形盡相。乃么麼世界中一部官場現形記也。

第七齣 閨俠

武旦短衣窄袖。負劍作回旋勢。上跳舞一回（中立介）

參橫斗轉月光寒。獨坐閨中把劍看。應有壯懷消不得。夜深飛夢斬樓蘭。
（坐介）奴家竺氏。表字凌霄。黃封國人也。少讀儒書。長耽道味。幼遇異人。授以劍術。飛行絕迹。慕紅線之奇才。馭氣排空。師隱娘之絕技。屬因中原多故。朝政日非。隱身花房。杜門不出。日以品花鍊蜜爲事。蠖屈多時。蟄鷗愈密。昨日聞美說。胡封國掠取東山花繖。遣公使來吾國議和。當時東宮

太子率領謝蘇二女士。伏闕上書。極言和議靠不住。奈主上惑於蜜部大臣及提督之甘言。依議簽字。不料胡封國暗地與元封國密謀。分據東山西山等處。各分地劃界。密立和約。將該處居民。逼令他徙。警報至吾國。主上召該大臣及提督。那大臣聲言願往迎敵。徑投他國去了。提督無奈領兵前往。上陣未戰。兵潰而逃。該督亦為他活擒而去。咳。時事如此。好不氣煞人也。

(越調) **小桃紅** 漢家東北起烟塵。昨已得盧龍信也。(烏黑二臣徑投他國。無顏還) 朝生降。竟作李將軍。多是虜騎紛紛。二國連兵。彼此相應。恰便似學連衡師儀。秦演常山長蛇陣也。恨奴家尙是釵裙。指劍介。願持我。太阿鋒。去梟此負恩人。

伏下殺此
二臣

今日特遣人請謝蘇二女士。來此計議。未知肯來否。看來吾國之中除

三人相識
在於無心

女士及東宮外。無人留心國事。二女士上年曾在酒樓。與奴家縱談時局。極爲熱腸。故此相請。敢就來也。(小旦貼華服老旦侍婢上)(報介)(武旦出迎介)(入相見分坐介)(小旦貼)敢問姐姐持柬相邀。有何貴事。(武旦)非爲別事。只因胡封國敗盟背約。該大臣迎敵投降。本提督生擒而去。大事如此。不可收拾。如何是好。

下山虎開門揖盜。召此胡氣。禦敵籌長策。竟無一人依樣。胡蘆滿城。蓋粉那二臣呵。既負生靈。又負君。我如今一响兒來探信。一响兒來叩門。國事如何辦。忠奸莫分。真箇熱血淋漓。白地噴。

不愧女俠

(小旦貼驚介)哎。不好了。前日小妹同東宮奏對之時。明說該大臣反相已露。今日果然降敵。這還了得。大姐素具俠腸。又有劍術。此時難道坐視不成。(武旦)吾鍊習此劍呵。

伏下殺二
臣事

不待吩咐
即便起身
正是急遽
勿勿之狀
與別處不
同

悔已遲了

五續美 霜。鐔。鎚。電。光。噴。匣。中。寶。氣。收。護。謹。閃。長。空。每。見。七。星。滾。幾。回。耐。忍。
無。力。報。朝。廷。缺。恨。蓄。新。忿。對。故。人。怎。能。毅。把。賊。子。頭。顱。一。刀。斬。盡。

（小日貼）好好待妹妹領姐姐去見東宮爲之保奏。如此大才。豈堪短用。如蒙拔擢。何患大事不成呢。快走快走。（全下）正旦全宮監上坐介探馬上報介（跪介）今日探得密部大臣。僉生降敵。黑提督兵潰被擒。請聖上快快召大臣商議防禦要事便了。探馬去也。（起急策馬下）（正旦驚介）呀。這兩個賊子。賣國偷生。甘心降敵。不肯練兵。臨陣被虜。辱國殃民。一至於此。可恨可恨。（願宮監介）速召東宮來此計議。（內監應下領日宮裝上報介）（旦叩見介）臣東宮瓊英見（正介）免禮。旁坐罷。（旦）近日探報敵情底細如何。（正旦太息介）不消說起。氣煞人也。那蜜大臣呵。

五般宜 當。日。個。倡。和。戎。自。招。寇。氛。今。日。裏。托。對。敵。竟。投。賊。軍。有。什。麼。面。目。作。

可恨

通○臣○今○日○軍○情○千○緊○萬○緊○無○如○此○緊○那○二○臣○呵○辜○恩○溺○職○令○人○難○忍○把○吾○國○受○厚○祿○的○兒○官○好○聲○名○掃○地○盡○

那提督呵。

可笑
可恨
可殺

山○麻○慳○厚○犒○餉○虛○糜○盡○十○萬○兵○弁○訓○練○無○人○三○軍○臨○兵○陣○一○箇○箇○逗○遛○不○進○只○賸○下○那○厮○係○將○鐵○索○穿○來○囚○服○乞○作○降○臣○

（旦）臣本日正要入宮奏明此事。昔日奏對之時。早知二臣陰有反心。豈能為國家辦事。果然負恩辱國。坐誤戎機。真真可恨。（正旦）今日傳集大臣。許久未至。事已至此。計將安出。且聽奏。

前○非○滿○朝○官○卑○污○甚○虜○馬○臨○江○禦○敵○無○人○釵○裾○如○三○臣○者○一○箇○箇○熱○腸○有○分○查○有○謝○探○花○使○瑤○芳○蘇○蜜○官○長○蘊○香○及○竺○女○士○凌○霄○真○真○是○一○條○俠○骨○一○腔○熱○血○一○腹○經○綸○

(正旦)快爲吾宣召前來。(旦)那謝蘇二臣舊登仕版。主上加恩令其出山。決無不肯。獨竺女士是近方外的人。不願仕進。雖厚祿高官。他總不要。幸他素具俠腸。仗二臣之力。勸之出山。或可俯就。(正旦)那竺女士有何本事。(旦)他

黑麻令做一箇奇人。俠人每思量離塵出塵。他的劍術好似風輪火輪。他生平權奇任俠。不怕千軍萬軍。(正旦)他的本事。你可試過麼。(旦)一定是千真萬真。不問是他身。我身總會那騰雲降雲。血淋淋手劍奔馳。願殺卻奸臣佞臣。

(正旦)如此甚好。吾兒出與二臣去請竺女士。幫同辦理便了。(旦)請母王出旨一道。封他官職。令其統兵同往。臣亦願親征。所有軍中事宜。隨時商酌。方爲妥善。(正旦)言之有理。先行還宮。隨後有旨。(全二監下)(旦隨下)(外冠帶蒼髯上)俺乃吏部尙書黃通理是也。今日願見聖上。保奏謝

唐臣有封
德彝見列
傳

此是正理
亦是實話
否則但特
劍術一切

蘇二臣才兼文武。可任專閫之職。(生冠帶執笏上)俺乃刑部尙書封體堅是也。今日願見聖上。奏參蜜部大臣烏里瓜。通番降敵。罪不容誅。提督黑心干。營務廢弛。失機被擒。請將二臣家屬。嚴行監禁。定罪。請了。前面便是午門。不免徑入。(叩見介)(奏介)(內)准奏。(外生)謝萬萬歲。(起上)(小旦貼武旦二人上分坐介)(小旦)昨聞東宮太子。保奏吾姐妹三人。出山爲國家辦事。未知主上意下如何。倘或聖旨下時。(對武旦介)姐姐不可推却。(武旦)愚妹畧知劍術。未習戎韜。兩軍相對。用不着小術。隨同在營觀戰。則可。若封官受職。斷乎不便。(小旦貼)姐姐道術高強。此時不爲國家出力。更有何用。(武旦)堂堂黃封大國。豈有對壘之時。而行轟荆之事。如公法何。(小旦貼)此事不能。願思其次。(武旦)道家規矩。只有代天行化。若既已稱兵。便不許再行暗計。(小旦貼)國事如此。還顧什麼術

軍務皆可
廢矣

二女士亦
具俠腸

四四

家。愚妹二人。此時未受朝廷之命。早以國事爲心。姐姐如再三推辭。妹等
只有行過大禮罷。(跪介)武日驚扶介。呀。姐姐何必如此。愚妹遵命就
是了。(小旦貼)好。明日你我二人。同見東宮。情願投營效力。豈不甚美。(武
旦)有理。(小旦)

江神子 我只道和戎召寇氛。(貼)我只道禦侮無人。(小旦)我只道出師失卻將軍。

(武旦)誰知道東宮保奏荷恩綸。(衆合)待明日睹天顏日近。

(外扮聖旨官上)聖旨下。跪聽宣讀。(小旦貼武旦全跪介)制曰。照得胡
封元封二國。密謀領兵。分佔東西兩山。背約失和。兵端已啓。朝廷特命東
宮出師親征。封爲大元帥。東宮專摺保奏。前探花使謝瑤芳。前蜜官長蘇
蘊香。才兼文武。忠盡勤能。又保女士竺凌霄。深通劍術。奇才異能。廷臣會
推。均無異議。其封謝蘇二臣爲副元帥。竺女士爲參謀。克敵有功。再行升

用。欽哉謝恩。（小旦貼武旦）謝萬萬歲。起送聖旨官下介。

尾聲 （小旦）鬚眉巾幘端詳認。貼須記取東宮情分。（武旦）如今正是作一箇。

俠烈男兒女士身。（全下）

此折以閩俠爲宗旨。寫得竺女士熱血俠腸。一時莫匹。而挽之爲國宣力。却不肯爲聶荆之事者。何也。意謂兩軍對壘。決無恃小術之理。紅線之事。其明證也。若玆編亦藉彼以制勝。所謂修內政禦外侮諸大事。皆可不必要。轉令人主惟劍術之是尙。亦滋流弊。傳奇雖小道。立言亦須斟酌。

此編牛脚未有出場。不合梨園規矩。因補出吏刑二尙書。一保一參。爲下齣張本。亦是應有之義。

黃封國王至此。亦自悔用二臣之失當。而服東宮之知人。故三人之薦。自無不聽。與前此偏任二臣時。迥乎不同。

第八齣 誓師

旦戎裝執鞭老旦末執旂持鎗上

北正宮陣雲飄。罡風刮。帥旗兒上插高牙捲征袍。躡鐙把龍駒跨。似甲馬

從天下。

俺乃大黃封國東宮太子。今爲征東統兵大元帥是也。昨出東宮。便辭北闕。奉母王之命。封爲大元帥之職。統領五千人馬。去到東山一帶。札營相機迎敵。今日黃道吉日。相請二位副元帥。及竺女士參謀。一全到此。操演兵陣。中軍爲我傳令。(末應)有。(傳令介)小旦貼武旦戎裝各持令箭佩劍上。(旦)副元帥參謀三位請進來。(小旦貼武旦)大元帥在上。末將參謀參見。(旦)有禮奉還。(全坐介)。(旦)中軍傳令。帶領人馬。全去校場演陣。(末)得令呵。(下)領隊四人黃旂上。(叩見介)旦全三人全立棹上高

黃種故用
黃旗

此齣排場
十分熱鬧

處介（旦執旂搖介）就此發令起操。（中軍應介）得令呵。（隊子搖旂走陣繞場一週介下）（中軍又領鎗手四人上演放一面走陣一週下）（中軍又領長鎗手走陣一週下）（又領刀斧手走陣一週下）（又領大砲手走陣一週下）（旦全三人下座介）（旦）兵陣嫻熟。可以迎敵。只是吾國之兵。係召募而來。人各一心。衆情渙散。未能踴躍。敵人兩國聯兵。號稱數萬。衆寡不敵。爲之奈何。（小旦貼）請元帥發令。召齊兵士。登壇釀酒。慷慨誓師。導以愛國之心。激其忠義之氣。庶幾殺敵致果。奮不顧身。兵貴精不貴多。若非節制之師。決無取勝之理。（旦）有理。中軍傳令。傳齊各兵士。本帥登壇誓師便了。（末傳令介）（衆隊子如前齊上介）（旦升座二人旁立介）

（旦）本帥誓師。衆軍士各各聽者。

滾綉球 俺今日盼蟾光。弩上弦。吐龍精。鋒出匣。叱風雲。暗鳴叱咤。弄波濤。跳

舞騰擎。衆軍士們奮精神去鬪他。頂提防賊長矛來刺咱。一不怕三頭六臂。二不怕鍊面獠牙。全憑你忠君愛國心頭血。便可望得勝回朝錦上花。靜聽無譁。

（衆）得令。（旦）左副元帥可統兵一支。去在東山左畔埋伏。候炮聲爲號。齊赴西山。右副元帥可統兵一支。去在西山右畔埋伏。候炮聲爲號。齊赴東山。兩軍夾攻。以相遇爲期。不可有悞。（小旦）中軍發令。本副帥誓師。麾下兵士。各各聽者。

〔叨叨令〕我軍容排五花。他營盤圍三匝。將正兵演一字。走龍蛇。將奇兵當五夜。驚鵝鴨。你們男兒戮力報王家。珣弓直向扶桑掛。白帝城聽暮笳。戰昆陽。飛屋瓦。兀的怕煞人也。摩哥兀的怕煞人也。摩哥把戎狄蠻夷一鼓棒捲作隨風葉。

（貼）中軍發令。本副帥誓師。麾下兵士。各各聽者。

倚秀才 將霹靂了兒射下將八陣圖兒暗打一霎裏海底神龍奮爪擊不問是羅刹兒黑番家定難招架

(旦) 竺參謀可去敵營探聽相機行事。(武旦) 得令。(旦) 本帥如此調度未悉可合兵機。(武旦) 妙呀。

脫布衫 不須人累石囊沙便雄威敵營驚壓甚么麼敢來廝殺便箠是羅胸兵甲

(旦) 兵貴精不貴多。師貴直方爲壯。此次統兵。師出有名。主客之形。以逸待勞。正合兵家之法。未識三位。有何見教。(衆) 甚好。不必過謙。(旦)

尾聲 旌旗自是橫空下。爲保我一寸樓臺一寸花。衆姐姐等各各將雉尾盔兜壓鬚鴉(全下)

此折寫正副元帥等三人慷慨從戎。從容發令。誓師時寥寥數語。已足

見一腔熱血。與士卒敵愾同仇。勇氣如此。又有兵略。焉得不勝。

此折白文甚短。而上場搬演。則晷刻頗多。以操場走陣。對仗廝殺。如臨大敵。殊費工夫。俗語謂武場戲是也。故賓白湏畧短。方與別齣時刻。相差不多。

第九齣 計捷

(丑黑臉引隊子四人黑旂上)

舊怨銷除斯結盟。全憑衆志作長城。中原縱有如飛將。那敵元胡十萬兵。
(坐介)俺乃大元封國統兵元帥是也。前日佔取西山。爲胡封國戰敗。而回。續因胡廷自知無禮。密約兩國舉兵。各分各界。那黃封國蜜部大臣。素與胡廷通款。假稱迎敵。徑投胡封國而去。提督黑軍門上陳兵潰。爲吾兵活擒在營。可笑黃封國還不知死。命太子親征。用那二女子爲副帥。你們

欺陵黃封
亦已太甚

不曉擎槍
舞劍卻會
舉旗斬將

伏下劫蜜

妙在不對
兵士說明
但在曲中
帶過說明
則漏洩矣
比擬雅切
出言典要
伏下生瘡

只知在家刺鳳描鸞。那曉得擎槍舞劍。此番合戰。定然全軍覆沒。片甲不
回。吾這裡西山地界。可永遠歸吾國管轄了。明日湏貢梨花蜜二十石于
胡廷。左右們快快傳令民間。按戶交蜜。如或抗違。軍法從事。(雜持令下)
(丑引隊子全下)(貼戎裝引隊子四人上)(中立介)(貼)本副帥蘇氏。自
奉東宮保奏。授為副元帥之職。領兵札營。在西山右畔。此時敵氛甚惡。兵
馬又強。難以力爭。湏用計勝。

(中) 泣顏回 萬隊擁貔貅。膽大由來如斗犬。羊貪性只順設計。相投梨花齧
釀。候中途當作猩猩酒。笑當時左肘垂楊看瘡瘍。荀偃生頭。

(顧左右介) 為我將後隊什物車內。有蜜二十石。慢慢扛來。(衆應下)(扛
蜜二桶上) 啓稟副帥。蜜桶扛到。(貼)好。中軍傳令。令小卒四人。扮作蜜商。
扛至西山後路。與敵營相近之處。倘敵營有人出劫。索性丟桶逃回。不可

不是天贊
我乃是天
謝你
應上派蜜

是以人人
中毒分蜜
領蜜俱是
兵目

有悞。(衆應介)得令。(貼)(領隊子全下)(四卒扛桶下)(又上繞場介)(雜扮元封國兵刼去桶分拾介)(四卒逃下)(丑引隊子上)(中立介)(四卒扛桶上介)報元帥。小卒搜山。刼有梨花蜜二十石。解營獻功。(丑喜介)好。重重有賞。昨日正在按戶。派捐貢蜜。今不求而至。豈非天贊我也。哈哈。(大笑介)(雜)我們營中。正在缺糧。貢蜜既派居民。此種上好梨花蜜。應分給三軍。作爲賞號。豈不人人喜懽。(丑)有理。即便分給。各人拏碗來。(四雜各持碗上介)(丑唱名分給介)(雜四人更番領蜜下)(再上介)(丑)營兵萬人。每人二合。恰得二十石之數。你等兵目。不可尅扣。(雜應下)(丑)領隊全下。(小旦戎裝引隊子四人上)(中立介)(小旦)本副帥謝氏。蒙東宮報荐。授爲今職。領兵札營。在東山左畔。吾看寇勢強盛。不可力爭。須以計勝。

比擬亦工

伏下中毒

此句話最要緊如敵人要結小人私恩小惠令其散花未有不知其帥者則此計不可行矣

如此說來乃是真心

前腔

敵騎繞濠溝。只有孤城如斗。寇氛兇惡。只須設計相投。東瀛秘授。借黃花撒出天魔手。笑當時韓信囊沙。問何如水毒涇流。

(顧左右介) 爲吾召東山左近村落百姓數十人來。吾有話吩咐。(雜應下)(領雜扮男女四人村民上見介) 東山百姓人等叩頭。(小旦) 起來。吾且問你。那胡封國札營在你們地方。有無滋擾百姓。(衆) 不須說起。那統兵元帥。紀律不嚴。縱兵擄掠。日日催我們他徙。又按戶責貢萊花蜜。因此吾們避他不能。不避他又不得。元帥如能一鼓盪平。吾們重見天日。豈不甚好。(小旦) 你等原係黃封國子民。應有愛國之心。既有愛國之心。就該出點力。爲國家辦事。(衆) 元帥明見。百姓有何權力。能爲國家辦事。(小旦) 有是有的。只怕你們不肯。(衆) 請元帥說來。力苟能辦。萬死不辭。(小旦) 好。本副帥帶有草花數担。早已晒乾。研爲細粉。爾等果有心爲國。可乘夜深

亦不明言
何故恐有
漏洩
避在營後
免為敵人
知覺受害
不少此是
謝帥之小
心處伏下
免他下事

暗中摸索
確是黑夜
散花憶景
逼宵

至此百姓
始知亦請
去割營

只言點兵

之時。將此粉勻酒在菜花之上。你們百姓。暗中通信。於酒後即行暫避。在大營之後。勿即還家。就算是你們為國家出力了。本副帥奏明爾功。當免爾等地丁花糧三年。以酬其勞。豈不好麼。(衆)好好。快將花粉交出。照令行事便了。(小旦)授紙包介。此事須慎密。不可起漏風聲。令敵知覺。違者軍法不貸。(衆)曉得。(持紙包下)(小旦引隊子下)(場上設草作菜花狀介)(雜暗摸索上解紙包取粉徧洒菜花上介)(暗下)(雜易裝又上如前酒介)(暗下)淨領隊子四人白旂上(立定介)俺乃大胡封國元帥是也。現在菜花正盛。不免令軍士收取回營。釀蜜為糧便了。(衆)收菜花介(淨領隊下)(小旦領隊上)(中立介)(雜四人百姓上報介)探得胡封營中兵士均已大醉如泥。快快夤夜劫營。必得大勝。(小旦喜介)中軍傳令。本晚點兵。那報信的百姓。收留在營中住夜。不可令回。(內應介)(曉

不言劫營
尚宜隱密
留之伴夜
一慮洩漏
此是暗戰
故在夜間
與子不同
只知被酒
誰知中毒
如畫戰毒
輕者尚能
脫逃夜間
則人人受
縛故利夜
戰此是明
戰故用戰
書與上不
同
如夜戰則
生瘡兵士
尙可藏匿
晝戰則瘡
瘍在身一

得。)(下)(小旦全衆下)(淨引隊子四人作痴呆傾跌狀上繞場下)(小旦
中軍引隊子持火炬殺上介)(下)(淨上立場角介)中軍快快傳令起
鼓點兵。外面敵兵劫營。(三呼不應介)驚介)吾營中兵士那裡去。(入內
看介)怪不得不出來。一個個都被酒而睡。(氣介)(頓足介)如何是好。(小
旦領隊子中軍殺上介圍淨介)(淨戰被擒介)(中軍小旦領隊子押淨
下)(雜扮百姓喜上繞場下)(貼領隊子四人上中立介)(中軍)(末應)
有。)[貼]戰書一封。射入敵營。約明日午時三刻。上陣交鋒。[末應下][貼]
[領隊子下][丑領中軍上中立介][黃封國有書到來。約本日午時三刻。
上陣對仗。中軍快快傳令。辰刻造飯。已刻披掛。半刻列陣。不可有違。[中
軍應下傳令介][三呼不應介][丑什麼傳令不應。必有緣故。[中軍領隊
子四人面身上各貼膏藥作病容徐行上][中軍繳令介][啓稟元帥。前

望可知故
利畫戰
此語出以
談諧與上
之剝換處
亦是誤會
二帥各立
大功可爲
黃封吐氣
可爲黃種
生色

至此方言
花粉之所

營兵卒滿身膿汁。後營精兵滿身生疔。左營將士肛門生痔。右營兵目身上瘡毒。一個個在地呻吟。痛苦不堪。勉強出來應令。「丑驚介」這是中毒。如何如此利害。「想介」是了。想是不服水土。營盤陰濕。故此生瘡。如今午時三刻快到了。如何是好。「貼領隊子殺上介」「丑中軍格鬪介」敗下仍上「貼隊子擒丑及中軍介」「兵卒擒兵卒介」「同押下介」「旦戎裝領隊子上中立介」「雜探馬上報介」報左副元帥謝擒獲胡封國元帥一名。現在轅門。聽候發落。「旦喜介」「謝天謝地。真正第一奇功。探馬至後營領賞。」「雜應下」「小旦領隊子上報介」「入見介」「旦喜迎介」「旦副元帥恭喜。擒獲元兇。厥功非細。請問出兵迎敵。上陣擒渠。那時情節若何。」
「小旦」聽稟。

駐馬聽東國。遨遊野菊除蟲一例收。此菊是東瀛傳來。可以辟蟲。蜂蝶誤采。即至

由來
東洋有除
蟲菊蜂蝶
不敢犯此
實有是物
非妄言也
應上免地
丁花粉事

不是蜜官
長焉得有
此蜜呢虺
喜食蜜其
涎入蜜食
之害人

毒悶。末將用此花研粉。洒在萊花之上。那胡封國兵士。收采作蜜為糧。是個個如虎投。陷阱人醉屠蘇魚上金鈎望風羅拜把戈投散花出自村民手。末將許他成功之後。免其地丁花糧三年。以酬其勞。此舉尙請代奏邀准。以示大信。笑看旄頭喜番酋。今日來入吾穀。

(旦)原來如此。真真妙計。(貼領隊子上報介入見介)(旦)(小旦喜迎介)(旦小旦)副元帥恭喜。生擒驍將。百世奇功。請問交戰情形。得勝方畧若何。(貼)聽稟。

前腔。虺毒涎流把石蜜梨花一例收。末將上年為蜜官長之時。見有蛇蟲遺毒。在蜜桶之內。恐至害人。收藏暗處。不料此時軍中。竟得以毒攻毒。敵兵扛去分食。一個個似楊梅結毒。瘰癧連珠。風火纏喉。華陀畢竟聚難。降旛一出。營誰守。笑看礮樓。喜番酋。今日來入吾穀。

此問不可
少若僅俘
其帥而敵
營並未彈
壓必有變
端解亦不
可省否則
毒無反側
不無二帥
足見處是
周密處是
法為善後
辦

此是副帥
應稟承大
元帥要緊
公事否則
近於自專
此筆不可
省
撤輕劍俠

（旦小旦）原來如此。眞眞妙策。（旦）現在二國兵士。尙在何處。如何安插。
（小旦）胡封兵士。中毒未醒。（貼）元封營卒。毒瘡未愈。（小旦）一應衣糧
軍械。均已收繳。歸入吾營。令中軍同兵官。在彼營彈壓。不致疏虞。（貼）敵
營辦理。亦是如此。（旦喜介）副帥你二人眞真是。

駐雲飛 敵懷同仇。韜略如斯。眞罕有。旣聽鏡歌。奏日喜奇功。就邊疆靖。更
無憂。明日班師回朝。奏明聖上。厥功非小。黃金懸肘。印纍纍。算是元勳首。本帥碌碌
無能。因人成事。忝居統帥。好不愧煞人也。（小旦貼）（合）請元帥把俘獲軍裝。按簿籍
收。（同下）

此折寫二帥從容布置。各以計勝。所謂鬪智不鬪力也。及其成功。全是不戰而屈人之兵。並不藉劍俠之力。可見白種雖強。苟吾計得行。亦無不可取勝之理。世之畏夷如虎者。殆智出二女子之下耶。蜜毒發遲。故

兵謀者萬人敵劍俠者一人敵
一畧補各
自不同

盼捷神情
開口便露

劫蜜在先而約戰在後菊毒發驟故散花在後而劫營在先命意遺詞
皆有步驟兵法文法二者一而已矣。

第十齣 團圓

(正旦宮裝二宮監隨上)

(黃鐘) 玉女步端雲 罷掃蛾眉不學宮粧 獻媚願監國東征得利

(集古) 仙風吹下御爐香 鐘鼓樓中刻漏長 春色惱人眠不得 朦朧樹色
隱昭陽 (坐介) 俺乃黃封國君主是也 上月東宮全謝蘇一帥出師去與
胡封元封二國爭還地界未知近日軍情勝負若何 (雜旦宮女上報介)
啓奏吾主萬歲 東宮得勝回朝已有飛騎報捷 現在午門 (正旦喜介) 朝
房領賞 東宮到時即便通報 (雜旦應下) 旦領小旦貼二人戎裝上報
介 (見介) (跪奏介) (正旦) 吾兒全一帥得勝回來可謂如天之福了。

東宮不沒
人之功可
稱賢嗣至
矣

六〇

那胡封元封二國元帥。現在何處。彼國有無遣使議和。(旦)

〔獅子序〕至尊聽容奏啓。念孩兒自奉我朝廷。出帥賴母王福庇。調度戎機。全憑副元帥的勇畧。懾諸夷作干城。護邦畿。凱旋乘勢。早見有甘泉捷報。閃閃紅旗。

(正旦)依吾兒說來。此番得勝。多是謝蘇二卿之功。二卿可將營中形勢。大概面奏前來。(小旦)容奏。

〔太平歌〕當日敵兵勢。列陣徧東西。論營壘。幾盈千百。臣營中。略用迷魂計。便似箇游魚來吞餌。一個個生擒活捉。鮓鯨今日裡。奏凱向丹墀。

(貼)容奏。

〔前腔〕當日敵兵勢。列陣比魚麗。論時刻未逾十日。臣軍前畧用行瘟計。便似箇春蠶絲來繫。一個箇投戈卸甲。豎降旂。今日裡。奏凱向丹墀。

應上保荐

善恨已久
不得不洩

應上難說

降臣如此
亦可哀矣

伏下斬二
臣

(正旦)二卿甫任副帥之職。即成克敵之功。東宮保荐。洵有知人之明。真難得。(旦)倘或公使前來議和。臣有話詰他。斷不寬恕。(正旦)聽憑詰問。現今烏黑二賊臣在那里。(旦)烏大臣投降胡廷。欲謀閣部之職。朝廷肯相信。尙未允許。吾國刑部。正要收他家屬。誰知早已逃避出海去了。那黑提督爲元封兵擒去。早已投誠。亦思謀作提臣。彼國不敢托以重兵。仍在軍前効力。聞不日要討差到胡廷。求烏蜜部照應去。二臣上負君恩。下灰士氣。真狗彘之不若也。將來當設計斫他的腦袋。方快人心。(雜探馬上報介)報胡封國元封國兩公使。來至朝房。口稱欲入宮面聖。請吾主回覆與他。(下)(旦)臣與副帥二人。在朝房全他相見答話便了。(正旦全女侍下)(旦小旦貼三人全下)(末副淨扮二公使上)(旦小旦貼全上相見介)(旦)貴國公使遙臨。有何公幹。(公使足恭介)

一味狡猾
口吻逼肖

氣盛言宜
聲色俱劣
一個個都
已活擒無
人報信故
公使尙以
退兵一字
爲誘餌至

賞宮花 求你把前情莫提。莫笑我將軍盡失機。那和議之事。俱如貴國之命。採花洵小事。今已悔前非。但願你齊魯無忘盟。夾谷便比那趙秦依舊會澠池。

敵國朝廷。自知發兵佔界之非。願尅日退兵。將所佔之地。一律交還。貴國所獲二帥。亦須交出。隨和約帶回敵國。此後永敦和好。勿啓兵端。未知貴國意下如何。(且怒介)貴國已經失信。屢盟何益。東西二山。不必由你交還。吾自領兵收取。所有已獲二帥。及麾下兵士。如要贖去。須賠兵費二萬萬。前約所議通商之處。應作罷論。(末副淨驚介)如此說來。公法何在。(小旦)貼怒介)前日公使親口說過。公法者天下之強法。勢強可得法外之利益。今公使所云退兵。貴國那里還有兵士在東西兩山。一個個都活擒在敵國營裏。難道公使還不知呢。所有二帥兵士糧草。軍裝牛馬。皆戰勝時應有之利益。今以吾原有之地。易吾應有之利。誰其聽之。昔日不

此說破十分胆落
此是難題要你做

來得湊巧吃了一驚

劍俠本事至此發出

許我論公法。今日亦不許你論公法。如認賠兵費。吾將爾國兵士放還。如要贖元帥。應將吾國逃官敗將烏黑二臣交出。倘或不能。不必開議。(末副淨想介)這事卻難。容歸商議回覆。暫且告辭。(旦)恕不遠送。(下末副淨仍上介)(旦)貴國公議如何。(末副淨)別事猶可從命。單單貴國二臣。不肯回國。未知何意。(旦怒介)並無別意。無顏見人。這等人貴國收留。有何用處。(武旦持劍携人頭二上擲公使前怒叱介)貴公使請觀二頭是誰。(末副淨驚介)(諦視介)呀。二頭好像貴國亡命二臣。未識女英雄從何殺來。(武旦對旦小旦貼介)東宮在上。麥謀臣竺凌霄見。(旦)免禮。(小旦貼)此時正在爭交二臣。姐姐能以隻身深入虎穴。斬此二人之頭。可謂快極。請問二臣在何處相遇。如何下手。可一一說來。(武旦)聽稟。

罵得痛快
今日惜少
斯人字字
有稜情節
甚多但以
數語了之

倘二帥不
能得勝黃
封君臣必
以和議了
局。如女士
動此舉
奪人先聲

黃龍醉太平。真奇。說是未卜先知。曉得吾國。逋臣逃藏。在彼。那一日入敵營中。探

六四

知二臣正在彼國王宮中。深匿不出。我乘夜飛入王宮。站在禁樹之上。作聲誘他出宮觀看。即便躍下。一把兒將他頭髮揪住。喝令跪下。對他罵道。你說和戎得利。到今日。二國寒盟。誰是誰非。恭喜你。今宵異地。猝相逢。領畧我青鋒滋味。即便將他二人斬了首級。且試箇隱娘手段。指頭介。獨携了頭顱兩顆。及血淋漓。

并留書一封。與彼國王。想和約一事。不煩與公使磋磨。自無不惟命是聽矣。末副淨驚介。如此只得告辭下。旦書言若何。武旦畧言吾國逋臣二人。不肯回國。探知深匿王宮。已將一月。吾潛入王宮。十有餘日。宮中情事。無隱不知。今夜斬此二臣之首。持歸本國。以雪國恥。幸勿驚訝。疑及他人。吾深通劍術。黃夜飛行。人目莫覩。貴國王如不相信。現在宮妃枕邊。得有金鋼石鑲戒指一枚。王枕邊。得有鼻烟壺一字。封函附上。王如不

無面見人

胡封收納
通臣黃封
交還敗將
彼此相環
奚管霄壤

竺女士入
宮斬此二

肯和約簽字不難取王之首。如再倔强，莫謂余劍不利也。凜凜慎之云。
云。(旦)呀。竺參謀之功。更為奇異。應另行奏明獎勵便了。(全下)(正旦全二監上旦上見介)(正旦)和議如何。(旦)不須和議。彼國已經心服了。(末副淨上報介)敝國依議。願賠兵費二萬萬。贖還二將及兵士。(旦)好。將銀解交戶部收儲。提二成作為軍士犒賞。所獲二將及俘兵士。着刑部帶來。交該公使領回便了。(雜推銀車二輛上)(下)(又上)(如是四次介)(仍下)(雜持牌押二將鎖鏈上)(見公使羞避掩面介)(正旦)貴公使可將二將及兵卒領回。在此無用。(末副淨)謝貴國不殺之恩。謹將二臣及兵士領回。繳銀已訖。就此叩辭。(叩首介)(領二將下)(正旦)前日女子竺卿何在。(旦)聽奏。

前調

真奇他竟手劍如飛去覓兩個奸臣深藏宮裏當頭罵詈便霎時匣劍悲

臣從東宮口中述出。又是一樣。覆述之筆。現在一句。是講白不。是曲誤抄。頌更正包。謝蘇竺三。人在內可。此折曲可。當近日自。強論讀令。人生忠君。愛國之心。至理名言。包含天演。物競諸義。在內。

東宮有功。無可封賞。故先自陳情。

鳴頸血污。衣堪喜。他當年未見受君恩。能爲我朝廷吐氣。洵是個女中高義。現在不樂爲官。情願問故山猿鶴。石隱高棲。

六六

(正旦)原來他有如此奇功。尤爲難得。本宮深悔當時用人失當。致令奸臣弄權。志士匿迹。如今方才明白了。(旦)願我母王出一道旨意。畧言前調。休疑願爾。百姓羣黎。從此黃種同胞。結成團體。競爭時勢。優劣分明。勝敗如斯。頌記食租衣稅。報君恩。休昧此天經地義。若問那外交國際。不過是內修政。治外禦諸夷。

普勸國人。勿分爾我。同德同心。自成團體。禦侮自強。各盡義務。吾國國民。本有君臣之義。團體之堅。逾于他族。若如此行之有年。庶黃種可保。吾國可興。豈不甚好。臣係東宮。監國撫軍。分所應爾。此次軍功。不敢仰邀獎叙。用并陳明。(正旦)吾兒所言。甚是正理。但女子竺卿何在。可便宣來。

此封亦奇
始終一黃
蜂而已

從諫如流
女中賢主

花球二字
奇

（旦下領武旦上）叩見介（正旦）卿之奇功。更在漢廷班超之上。朝廷無職可封。另行議計。（武旦）微臣少時學道。不願再入仕途。賜臣還山。便爲恩典。（正旦）知卿高義。封以客卿。國中有花園林。統歸管領。月賜花糧十石。以資湯沐。欽哉謝恩。（武旦跪介）謝萬萬歲。（起介）（正旦）謝蘇二卿。已另有旨。着吏部從優議叙加封。（外冠帶執笏上）啓奏吾王。此次凱旋。除東宮不願獎叙外。所有保獎諸臣。開具清單。請旨定奪。（正旦閱單介）依議。就此宣讀。（小旦貼武旦全跪介）制曰。咨爾征東左副元帥謝瑤芳。右副元帥蘇蘊香。出師未久。即聞凱旋。未煩一兵。未折一矢。生擒渠帥。圍住敵營。甲仗衣糧。馬匹輜重。收獲無算。蓋世奇功。一時罕有。其加封爲護國鎮國左右大將軍。食俸如故。兼管本國花球一切事務。靈部大臣。一品花封。世襲罔替。以本科鼎甲。選爲夫婿。一如額駙之儀。屆時

應上免糧

另降諭旨參謀焦凌霄。不願為官。已另旨嘉獎。東山村民。遵令撤花。俾軍
得勝。不為無功。着加恩免其地丁花糧三年。以示獎勵。於戲。斬將塞旗。願
受明堂之賞。策勳飲至。敢忘軍服之庸。往即爾封。毋替朕命。欽哉謝恩。
(衆)謝萬萬歲。(起送外下)(衆各拜正旦介)(又拜旦介)(同拜介)

(正旦全宮監下)(旦及衆旦相賀介)(合)這本曲子是

尾聲

文人。涉筆。供游戲。聽鐘聲。晉驚夢寐。果能借此警動。發憤自強。庶黃種將來

有轉機。(旦得意繞場擁衆下)

總 舉世滔滔我獨醒。黃封恥作小朝廷。

蜂群借作人群看。五夜鐘聲仔細聽。

東 蜂蟻由來團體堅。南柯記後此餘編。

若教警醒黃民夢。待譜新聲入管絃。

詐者希望
在此一語
點睛已覺
全神飛動

警黃鐘三
字在此二
詩中分開
點出

此折團圓，乃言團體之圓，非他本收場之團圓也。頭緒多，覆述繁，最難收束。然全部團圓，亦在於此。故以之終篇云。黃封有臣如此，不憂外侮矣。

一結提明作者主意。尤爲一部宗旨。餘音繞梁，三日不絕。

警黃鐘傳奇(畢)



附錄

冥鬧

蔣鹿山稿

(內作鬼嘯介)(衆扮無數沒脚婦人冤魂手各執綉鞋一只上)(合唱)
北仙呂 (點洋唇) 怨氣冲天是誰作俑將人害禍種傷胎毒流千萬載

百萬生靈一日屠。可憐膿血劇模糊。朝天蠟燭兇人點。恨煞江南李鄒夫。
俺們四川省婦人鬼魂是也。可恨那張猷忠這殺人精。四川的男子被他
殺得乾淨。還不爽快。又把我全川婦人小脚兒一齊砍下。當做一盤朝天
蠟燭。燒起來好不臭氣難聞。害得我們死不死。活不活。仔細想來。都是當
時纏了足不好。若不纏起足來。與男子無異。今日決不至于受這苦呢。今
日到了陰司。冤氣難消。要告一狀。一告張猷忠狠心。不該把我們脚兒一
齊砍斷。一告李後主作俑。不該把我們脚兒無故纏來。你看愁雲黯黯。毒

霧昏昏，閻羅天子。將要升殿，俺們快些上去。咳，無腳焉能行走好苦也。

二

混江龍

好好的。一雙白足，生成粉嫩軟哈哈精緻。緻膚圓六寸光滑滑底。薄重拾前秦漢後隋唐都一樣靴鞋履寫無區別。南蠻夷北戎狄，却也是天。足游行自去來，但聽說女主織男耕治分內外常言道。夫則負婦，則古出入追陪最好的古人。言妻子好合，誰料得到後世異想天開。把一個女人家當一隻玩物看待，塗了脂抹了粉，有許多瑣碎調排，更把他兩腳兒纏了。又纏裹了，又裹害得他女孩子立也不穩步也。難開皮厚了，生下脂就把那快刀來割，狠如狼猛如虎，不管他哭哭哀哀，一任他血淋漓，何曾憫惜。一任他淚珠滾還叫乖，乖任憑你仕宦家商賈家工匠家一般見識，但凡是做娘的做媽的做嫂的，越樣癡呆，一定要縉緊他兩腳兒，纖纖細細如菱角方顯得我。家裡姑娘們，嫋嫋亭亭出衆才（內問介）那纏足由何人而起（白）這原可

笑也。有一个小南唐李後主風流貪色愛一个宵娘當戲要用帛纏來裝起了千般俏百般嬌鶉淫狐媚不管他斷肢節損筋骨折指殘晦初時一二人學了他曲曲彎彎樣描新月到後來千萬衆都一樣束束縛縛送上蓮臺這叫做世風日見趨汗下全不顧男女宜淫造禍胎(內問介)這張獻忠爲何要把婦人小脚送天公作蠟燭點呢(白)這有箇原故也。想是他惱世人不營正業守着古人風一味的裝欺作僞貪歡愛好好一雙脚兒要把他矯揉造作弄得他寸步難推富貴家鑲得是珍珠白寶貧賤的也有了一雙刺繡花鞋只都是暴殄天物多糜費少不得觸怒乾坤天降灾那老天啊偏昏昏不管人間事故而要燒得他臭氣難聞叫他腦也開願此後棄邪歸正再不要弄巧裝乖這便是咱張老爺回天手段移天力要使千百年後纏足婦人聞之魄戰魂驚心胆摧(內問介)既經張獻忠這番殺戮此後婦人當永遠

不纏足了。如何又纏起來。(白)呆也。沒個人將此事分頭演說。只道是遭劫數。碧而同埋做官的多鄙夫。不曉得煌煌示禁讀書的少豪傑。也只是碌碌隨班。況張猷忠所殺只是四川一省。不曾徧及天下。故而江淮閩浙諸都會。依然小脚弓鞋徧市街。這算皇天不絕淫人種。難道上帝毫無救世才。我們去求求孔聖人好。孔聖人不管的。他會道世上人那一個賢。賢易色。我所見。宋朝衛南子姪亂之媒。那時候。曾有金蓮三寸。這原是惡風俗。未代纔開。還是與佛祖商量。佛祖說我觀音妙莊王女。他也是赤雙脚踏坐蓮台。你世人枉念經。不甘學好。爲什麼自尋苦包裏起來。這等說。耶穌來中國。或者可以救我也。未見得。耶穌說我昔日訂教。規不曾有此。都因是我西女。本天足無此凶。災女人家和男人一般看待。有什麼纏了足。別着男孩。此事本教懶之久矣。看將來做公使的夫人。有一片熱心慈愛。見太后勸中國婦女們。

例。鬆。開。有。此。機。會。亦。未。可。知。咳。你。看。中。國。這。班。官。府。那。箇。來。宜。管。這。閒。事。啊。
總。因。了。積。習。上。沈。錮。深。牢。不。可。破。任。憑。你。衆。聖。人。衆。善。士。妙。蓮。舌。粲。說。聽。難。
哉。(內作呵殿聲介)(淨扮閻羅王引鬼卒上)(唱)

油。胡。蘆。殺。氣。騰。騰。滿。閣。浮。新。世。界。耶。和。華。鐵。面。難。回。俺。只。得。吞。聲。忍。氣。個。
僕。待。再。休。要。劍。樹。刀。山。密。密。排。(指介)你。看。奈。何。橋。橋。已。傾。孟。婆。亭。亭。也。壞。
下。界。的。人。大。半。被。耶。穌。救。主。救。了。上。天。臺。俺。地。獄。中。却。無。一。點。靈。魂。在。

(衆)苦。吓。(淨)何。處。鬼。魂。來。此。呼。冤。(鬼卒稟介)有。無。數。沒。腳。婦。人。在。殿。
下。挨。挨。擠。擠。(淨)叫。他。上。來。(唱)

天。下。樂。俺。這。裏。無。權。無。勢。坐。烏。臺。哈。也。麼。哈。中。華。人。到。此。來。做。男。兒。憂。國。
懷。做。婦。人。有。甚。哀。你。不。到。太。后。前。討。了。一。箇。大。大。的。新。恩。典。却。來。我。陰。司。裡。
白。白。兒。來。當。了。一。箇。鬼。靈。差。呀。這。雌。魂。鬧。得。真。無。賴。

沒脚衆婦人進來。(衆)苦吓。(淨)你這班婦人爲何手執花鞋。个个都是沒脚的。(衆叩首介)大王在上。容小婦人訴來。(合唱)

那吒令 想車襁。擡把脚兒緊催。(淨)你們都想做夫人小姐的啊。遇兵灾盜灾。將身兒糟蹋。(淨)咳。可憐。可憐。種淫胎禍胎連命兒殘害。(淨)脚小自然跑不動。逃不脫性命了。狠心的張獻忠下作的李細崽。這兩人便是奴家夙世的讐對。

(淨)張獻忠砍斷你們的足。要與後人作榜樣。也是一片好心。只是過于粗鹵些。如今已復七煞星原位。不久又要降生人間。恐後來纏足婦人。又要受其荼毒。也只是自作自受。無可怨尤的。只是李後主現在監禁無間地獄。可傳他出來。李後主有請。(小生囚服扮李後主鬼魂上)(唱)

鷓鴣枝

一聲聲獄卒呼。一片片愁雲蓋寡人囚禁此間。千有餘年。今日傳

宣不知何事。多則是惡孽。淫根情苗禍胎。亡了國。不穀。翻風流。業債。今日既奉傳呼。少不得打精神。勉強出來陪。

(淨)後主請了。(小生拱介)大王少罪。(淨)今日請你出來。非爲別事。只因階下許多沒腳婦人。前來告你。(小生)想因纏足痛楚之故。(淨)非也。近來出一斃王。叫做張獻忠。惱婦人獻足之可惡。下令把四川全省婦人。脚都割斷。這班婦人。埋怨足下。當初作俑之不善。我想有甚法子。可以救得。(小生)寡人當初不過偶然戲耍。誰知無心之過。流毒無窮。要除此害。必須下界文人。廣爲演說。普勸世人。都不纏足。已往之咎。誠無可辭。未來之福。或可稍免。不知尊意如何。(淨)此說甚是。但是塵世那有這等大英雄。大豪傑來。(小生)寡人聞得南贍部洲。浙水東邊。有一座鐵甲山。山中有一箇密溪岩洞。裏有一箇猿精。道號黃猿老祖。極有肝胆。能作爲寡

人若修書前去必肯應允。若得此人著書演說中國二萬萬女子將來可以拔出火坑矣。(淨)既有此人作速修書前去。(小生寫書介)(唱)

寄生草

慾海波瀾。涸情天密網。開我沈淪苦海。回頭客多望。你如椽大筆。淋漓寫要把他腦筋輸入文明界。霎時間千年陋俗盡銷除。才算你豪傑英雄真氣燦。

(小生)書已寫就。何人傳去。(淨)交與值日功曹罷了。眾鬼魂上者。如今李後主懊悔不迭。已托了下界文人到處勸戒。你等已往之咎。不必說了。俺放你們投生去罷。(眾舞下)(小生下)

煞尾

(淨唱)彩雲飛甘露。灑由着筆端兒。鋪擺你休恨張獻忠。囉哩若不是他一番猛斫。你怎肯將凌波羅襪輕輕解。軟鉤兒徐徐扯開玉笋兒。層層剝開好好好。皇太后的旨意下了。

(雜扮內監捧旨上挂台柱即下介)喜此後五洲合一萬國和諧也算變法維新第一回呵呵(衆下)

世道凌夷日漸卑

挽回劫運孰維持

張王枉有刀千柄

不及文人筆一枝

歎老

南荃外史

(老生幅巾綈袍眇目跛足扶杖上)海桑陵谷幻乾坤春夢模糊不見痕滿目山川何限感夕陽雖好近黃昏老夫姓陳名腐排行老大混沌帝國人也冉冉龍鍾奄奄龜息四肢如癱無獨立之精神五官不靈乏自由之思想見者謂其心已死諒非金石豈能長存醫士云元氣大傷雖有參苓恐難奏效(歎介)咳不料我好好一個人兒忝竊得借大個的家私消受

得這多奴僕的供養。如今只弄得如醉如癡。又聾又瞽。人人譏笑我老大。睡罵我老大。擲揄我老大。看看我也老大。從不耐煩了。今日傳說有個少年登場。說了許多頂天立地的大話。要替我混沌帝國開開竅兒。少年少年。兀的不羨煞俺也。

雙調新水令 莽男兒。意氣薄。雲霄好乾坤。從新構造。揮戈迴落日。磨戟認前朝。命世英豪。歎我生辜負了。

這也是那少年有幸。恰恰撞着這黑暗的時代。得以激發其強固不羈之氣。只可恨我老大一。生在太平世界過日子。

駐馬聽 爲君的代代神堯。厚澤深仁。傳鳳詔。爲臣的人人方召。颺言拜手。詔龍韜。華夷一統。漢皇驕子孫。萬世秦皇保。成筭廟堂高。便大家睡個長春覺。

這幾千年的混沌帝國。果然長此卿雲糾縵。復日光華。鳳舞麟遊。河清海晏。俺老大便糊塗塗。懵懵懂懂。了此一生。倒也快活（搖頭介）却是怎生能彀呢。

沉醉東風 你看那境內啊。弄湟池鼠偷狗盜。你看那境外啊。獵中原虎嘯。狼號雷轟。了文字妖烟。蠹了鄒魯。教好一幅江山春曉。只贏得瓜分豆剖。雪虐風饕。金甌缺了。問人間何世。蒼天悄悄。好在混沌帝國的人。猶是全然不覺的。

雁兒落帶得勝令 宴瑤池。王母慶良宵。做瓊樓。姮娥延晚照。招幾個紫陽仙。和玉簫。添幾乘五雲車。遊蓬島。呀。甚津河鑿鼓。痛邦交甚。漳沱麥飲。紫蕊抱。那月沈鈎。不似蘆溝橋。那雨淋鈴。不似長安道。嬌嬈風景當前好。逍遙年華暗裏銷。

春花秋月。福過災生。夜半池深。人盲馬瞎。看來已是萬分不濟事了。但我這老頭兒。却也癡心妄想。還轉董來講究多少的維新妙法。

折桂令

九重天綸音一紙。飛下瓊瑤。好女流的纖趾兒鬆好秀才的入股兒。拋更車乘迢迢。特科應招。經濟匡時。媿禹臬。開幾個方言學校。派幾個出使星軺。若提起軍國主義啊。便撇卻弓刀。藏却戈矛。聘個洋師練個洋操。

這也就算時新極了的。你道果然有濟麼。

醉東江

原來是假孫叔衣冠。枉肖美西施。顰笑難描。急忙忙粉飾多空洞。洞元神少。傀儡兒一場熱鬧。依舊的魚游沸釜。燕處危巢。俺因循且過了今朝。俺倉皇怎待得來朝。安排着墓門木拱。紙錢飛多。管是蒼生劫運。龍蛇到人言惜。君聽長白山下大海風潮。

則見那歐美的少年啊。

七兄弟 氣揚揚團結的同胞。發達的芳標。日新又新的時髦。他靈魂便似個騰雲蛟。他主權便似個冠山鼇。他文明便似個朝陽鳳鳥。

俺老大與那班少年相對。好不羞煞人也。

四門泥 誰似我這樣冬烘頭腦。鄙我是東方病叟。又笑我是幼稚苗條。攏拳愁學美人腰。枯楊愧對如花貌。天荒地老心兒苦熬。海枯石爛魂兒黯消。哭神州我只索重望扶桑曉。

今日混沌帝國既然僥倖也。出了一個少年老夫從前放棄責任而今索性卸去責任了。（起舞作歡喜狀介）

園林汗 戰玄黃威權爾操志澄清心神爾勞讓老朽偷空醉飽大擔荷一肩挑大鼎煎一手調。

前車已覆後轍方適來者可追。往者不咎。少年少年你須下死力的掙扎。

老夫便是你的殷鑒也。

四

北江梅令（自指着眇目介）你休像我夢夢天視常昏眊（自指着跛足介）你休像我搖搖國步時顛倒（自指着拐杖介）你須知勉強支持的不算堅牢（又傍徨四顧介）你須知求人保護也作不得泰山靠逝水滔滔長路迢迢歷許多鐵血關頭練出個英雄年少便從那二十世紀擊破混元包打疊着二百餘州做個富强料天也牢騷人也號咷待大千放出光明大家歡笑。

呵呵。此刻已是新舊交代的時候。老夫去矣。

尾聲 故。人。不。及。新。人。好。我。到。此。何。須。歎。二。毛。少。年。啊。少。年。只。望。你。提。挈。河。休。草。草。下。

光緒三十二年十月五月初版發行

定價貳角



著者 祈黃樓主人

印刷所 新民社活版部

總發行所 新小說社

經售處 (上海) 新民支店
智書局及各書坊廣

警黃鐘傳奇(全一冊)

52
2,22244